



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. I. Quæ sit regula Judici, in sententia ferenda.

[urn:nbn:de:hbz:466:1-73001](#)

rem judicatam, ut constat ex L. 28. q. 1. si post rem judicatam, ff. de Condit. indebit. ibi: si post rem judicatam quis transigerit, & solverit, repetere poterit idcirco: quia placuit, transactionem nullius esse momenti; hoc enim Imperator Antoninus cum divo patre suo rescriptit. Per eyra porrò in Elucidar. n. 1177. ait, illud dici *judicatum*, quod alicujus sententiā constitutum, vel approbatum est; & *judicatum rem* dici, quæ finem controversiarum, pronuntiatione Judicis, accepit L. 1. & 3. ff. de re judic. & *judicatum facere*, idem valere, atque parere judicato, sive persolvere, quod Judex dependentum pronuntiavit. *Judicatum solvi* dicebant veteres eam satisfactionem, quæ desolvendo per Reum siebat L. *judicatum ff. judicatum solvi*; hinc *judicatum solvi*.

q. 1.

Quæ sit regula Judicii, in sententia ferenda.

2509. **D**E hac quæstione scripsit Gregorius Papa, ut habetur c. 1. b. t. ubi ait: *Sententia, contra leges, Canones vè prolatæ, licet non sit appellatio suspensa, non potest tamen subsistere ipso jure*; ex quo communiter deducitur, lententiam Judicis, ipso jure irritam, ac inanem esse, si lata sit contra leges, aut Canones (secundum quos pronuntiandum erat) licet ab ea appellatum non sit. Potest autem duobus modis esse contra jus. 1. contra jus respiciens merita causæ, seu contra constitutionem juris; ut, si Judex pronuntiet, *impuberem posse testari*; vel, *pupillum sine Tatore, posse de rebus suis disponere*; 2. contra jus respiciens tantum aliud aliquod extrinsecum, aut jus Litigatori; ut, si Judex careat jurisdictione, vel utatur jurisdictione suspensa, vel contra non subdium, vel contra Reum non habentem legitimam personam standi in judicio, &c. quibus positis:

2510. Dicendum, sententiam à Judice scienter latam, contra jus respiciens merita causæ, expresso in ipsa sententia errore, vel repugnantia cum jure, ipso jure irritam esse per L. si expressim. 19. de appellat. ibi: si expressim sententia contra juris rigorem data fuerit, valere non debet: &c ideo, sine appellatio causa denuo induci potest. *Non jure profertur sententia,*

si specialiter contra leges, vel senatus consultum, vel constitutionem fuerit prolatæ. Unde, si quis ex hac sententia appellaverit, & præscriptione submotus sit, minimè confirmatur ex hac præscriptione sententia: unde potest causa ab initio agitari. Item L. 1. ff. quæ sententia sine appellatione rescindatur, §. 2. ibi: item, cùm contra sacras constitutiones judiciali, *appellatio necessitas remittitur*; quibus subjungit textus, explicationem ultetiori sequentibus verbis: *contra constitutiones autem judicatur, cùm de jure constitutionis, non de jure litigatori, pronuntiatur*; nam, si Judex volenti se ex cura munetis, vel tutelæ, beneficio libertorum, vel ætatis, aut privilegii excusat, dixerit, neque filios, neque etatem, aut ullum privilegium ad munericis, vel tutele excusationem prodesse: de jure constituto pronuntiæ intelligitur; quod, si de jure suo probantem admiserit, sed idcirco contra eum sententiam dixerit, quod negaverit eum de etate sua, aut de summo liberorum probasse: de jure Litigatori pronuntiæ intelligitur: quo casu appellatio necessaria est; dixi expresso in ipsa sententia errore; secus enim præsumitur subsistere; ac, si non appellatur intra decendium, transit in rem judicatam; ex L. cùm prolatis, 32. ff. de sent. & re judicat. ibi: cùm prolatis constitutionibus contra eas pronuntiat Judex, eo quod non existimat, causam, de qua judicat, per eas juvari, non videtur contra constitutiones sententiam dedisse; idèoque ab ejusmodi sententia appellandum est: alioquin rei judicata stabitur.

Idem habetur in c. Cùm inter 13. b. t. 2511. Cùm enim inter Abbatem S. Zenonis Veronensis, & Archiepiscopum, ac Clericos S. Proculi in eadem Urbe Veronensi quæstio verteretur, quod dicta Ecclesia pleno jure debeat esse subjecta Monasterio S. Zenonis, pro quo Abbas varia documenta produxit; & inter alia etiam, quod Archipresbyter S. Proculi, negans Abbatii obedientiam deberi, condemnatus fuerit per sententiam, contra quam non fuit appellatum, adeoque sententia transverit in rem judicatam, Pontifex ad quæstionem istam, rursus motam, definitivè respondit: quamvis forte dicto instrumento donationis non sit plurimum innitendum,

nec confirmationibus, nec privilegiis, quæ de ipso causam, & originem acceperunt: attendentes tamen, quod, quantum ad litigantes ipsos, jus ex sententia factam fuit, postquam in rem transit iudicatam, etiam si contra jus litigatoris lata esset, cum contra jus constitutionis expressè lata non fuerit, veritate gestorum sermonibus prevalente, quæ præsumitur rite per omnia celebrata: definimus, ut Archipresbyter S. Pauli, qui pro tempore fuerit, fidelitatem, & obedientiam præstet Abbatii Sancti Zenonis.

2512. Dixi, sententiam à Judice scienter latam contra jus, respiciens merita causæ, expresso in illo errore, esse ipso jure nullam; nam secus esse vult Haunoldus tom. 5. tr. 5. n. 5. si nescivit, sententiam suam esse contra jus; vel putaverit, illud ad rem non facere, esto eslet cæteròquin manifestum; cuius ratio sumitur ex claro textu L. 32. relato in n. 2510. hinc ad evitandam ejusmodi sententiam, opus est appellatione, ac ejus prosecutione. Sed, si ponas jus manifestum, præsumptio in tali casu est contra Judicem, si judicavit contra manifestum jus, & excusat factum ex errore, quod putaverit illud ad rem non facere; vel ignoraverit jus; quod ponitur manifestum; adeoque incumbere ipsi onus, probandi causam allegatam; quia in tali casu cessat præsumptio, quæ alias militat pro justitia sententiaz judicialis; sic enim injustitia sententiaz est manifesta, cui cedere debet illa præsumptio.

Ratio hujus sumitur ex c. inter ceras. 9. h. t. ubi Alexander III. ad Eboraensem Archiepiscopum scribens: cum aliqua sententia, inquit, appellatione remotâ, committitur, & sententia fertur iniqua, eam evacuari oportet, nec ei debet stari, si iniquitatem contineat manifestam; hinc Layman hic n. 2. infert, contra talem sententiam agi posse per viam nullitatis; cum, ut ait textus, ei stare non debeat; & manifesta, seu notoria injustitia reddat eam ipso jure nullam, per c. 1. b. t. sic Covarr. practic. c. 25. num. 2. col. 1. & lib. 1. Variar. c. 1. num. 10. quod procedit, sive iniquitas deprehendatur ex sententia, (expresso nimis errore) sive per relationem; sic Barbosa L. si Prætor ff. de Judic. à n. 24.

2513. Quoniam autem sententia injusta con-

tra ipsum jus seu constitutionem juris, nequit non redundare etiam in jus litigatoris, ut & illi aduersetur, & vicissim; eodem modo dicendum, ejusmodi sententiam injustam ipso jure nullam esse, ubi injustitia manifesta, seu notoria est, sive in sententia exprimatur; sive non; & deprehendatur ex relatione. Quid quidem fit contra jus, regulariter est nullum. L. non dubium. 5. C. de Legib. quod tamen accipe, ut procedat secundum dicta n. 2512. quando injustitia est manifesta; secus præsumitur pro Judicis sententia, & opus est appellatione, ut dictum est, ne cæteròquin transeat in rem iudicatam juxta n. 2511.

2513. Quare, si manifestum est, judicem cœrulem jurisdictione pronuntiandi super tali re, vel persona non subdita, sententia nulla est absque omni etiam declaratione, per c. 4. de Judic. Idem dicendum est, si pronuntiavit, dum jurisdictione ejus fuit suspensa, ex c. ad probandum. 24. b. t. si pronuntiavit contra pupillum stantem in iudicio sine Authoritate Tutoris; L. Clarum 4. C. de Authorit. præstand. si pronuntiavit die festo, c. fin. de ferijs; si secularis in Ecclesiæ, c. 2. de Immunit. Eccles. in 6. quo posito: secundum dicta, si injustitia manifesta est, vel error, contra jus respiciens merita cause expressus est in sententia, sententia ipso jure nulla est; si non manifesta, & respiciat jus litigantis, appellatione opus erit; non tamen, si & hoc manifestum sit, ut constat ex dicto.

Not. autem, cum dicimus, sententiam latam contra jus, respiciens merita causa, nullam esse, debere intelligi, si jus sit clarum, & minimè ambiguum, & non sit sub opinione Doctorum disceptantium de vero sensu juris, quamvis & in tali casu Judex teneatur sequi probabiliorem, ut dictum est superius; vel saltem juxta illum sensum, qui usu, consuetudine, & stylo talis Curiæ, receptus est; modò talis consuetudo reprobata non sit à lege, seu Sacris Canonibus; nam tali casu retractatur sententia lata prætextu iniquæ consuetudinis per c. cum causa 8. h. t. ibi: Nos considerantes, quod, licet usus, vel consuetudinis non minima sit autoritas, nunquam tandem veritati, aut legi præjudicet; præscriptam sententiam revocavimus, & nos ab impetuæ absolventes illorum, vobis;

& Ecclesia vestra domum adjudicamus
supradictam.

2516. Not. 2. Rigorem, & apicem, iuris, ad
æquitatis regulam moderari, & accom-
modare, licetum esse Judici; propter in-
numeras circumstantias, propter quarum
varietatem non poterant omnia legibus
comprehendi; id, quod dicitur in L. 8.
C. de Judicijs ibi: placuit in omnibus rebus
principiū esse iustitiae, æquitatisque, quam
stricti juris, rationem; quod etiam præ-
scribit regula 90. dicens: *in omnibus qui-
dem, maxime tamen in jure, æquitatem
spectandam esse;* quam, specialiter à jure
canonico, & commendari, & observari
laudat Arnoldus Corvinus in Explicatione
juris canonici, qui, quamvis in præfatio-
ne ad Lectorem fateatur, *se inter illos,*
qui à fide Romana recessere, natum; e-
ducatum, & subdīs imbutum, sic loquitur:
quamvis etiam illi, qui cateris acriore esse
ingenio vident volunt, *jus illud (nempe
canonicum) judicent, in conditam esse de-
cretorum, & constitutionum farraginem;*
à Pontificibus, non ad Reipublicā Chri-
stianā, sed proprium commodum, editam;
erroribus scatentem: ac proinde ejus cog-
nitionem non tantum non esse necessariam,
sed inutilem; imo noxiā: at, quando
quidem scio, *judiciorum ordinem, &
stylum, quo hodieq; ferē utimur, nos ma-
ximam sui partem isti juri debere illis af-
sentire nequeo.*

Accedit (sic enim seruotiem pro-
sequitur Corvinus) *quod illud (jus videlicet
canonicum) nequè origine, neque re-
rum, questionum, & decisionum magni-
ficentia, dignitate, gravitate, utilitate &
necessitate; nequè ordinis, dispositionis, &
connexitatis elegantia; (pūia, quoad Dec-
retales) nequè rationabilitate, æquita-
te, juri civili sit postponendum, imo in
multis ei preferendum. *Quippe solā æ-
quitate nitens, in multis juris civilis scrupu-
losas subtilitates, & observationes ri-
gidas temperet, emendet, corrigat.**

S. II.

*An sententia Judicis debeat exprimere
causam decidendi?*

2517. **H**æc quæstio movetur in c. *sicut 16.*
b. t. ubi, cùm in causa, quæ verte-
batur inter H. Subdiaconum, & B. Pres-
byterum, super s. frumenti modijs, Sub-

diacono solvendis, duorum testimoniū de-
positione constaret, Presbyterum B. à
Subdiaconi impetitione fuisse absolutum
Authoritatē Episcopi Lutidiensis; sed
testes de causis, quæ Judicem moverunt,
ad sententiam nihil dixisse: Consultus
Pontifex rescripsit, *cum passim in senten-
tys proferendis non exprimantur omnia,
qua Judicem moverunt, & constet hanc
sententiam, à Judice competente prolatam,
propter auctoritatem Judicū presumi
debere; omnia legitimè processisse.*

Ex hac resolutione deducitur. **i. regu-
lariter non exigi**, ut Judex in sententia
exprimat omnia; quæ Judicem moverunt;
ut liquet ex data resolutione: esse tamen
quosdam casus, in quibū oppositum fieri,
& causa decidendi, in sententia ex-
primi debet; quos refert Glossa in dict. c.
sicut V. exprimantur, & complures alii.
Casus porrò excepti sunt sequentes. **i.** si
Judex propter ineptam petitionem Acto-
ris, in libello factam, Reum absolvit. **c.**
Examinata; **15. de judic. de quo egimus**
Supr. tit. 3. de Libelli oblat. Deinde,
si in pronuntiando recedat à jure commu-
ni, & ordinario, victumquè in expensas
non condemnat, debet causam exprime-
re. *Auth. de Testib. Q. oportet; Collat. 6.*
ut colligitur ex Novella: **90. de Testib.**
c. 6.

Tertio, si Reum conventum rei vindica-
tione absolvat, eo quod tempore sen-
tentiae non possideat. **c. pen. de except.** &
L. si rem. 17. & seq. ff. eod. **Quarto**, si
Reum absolvit non simpliciter, sed ab in-
stantia judicii, & per Patronos cause ste-
tit, quod minus causa potuerit definiri. **L.**
properandum. 13. C. de judicys. **Quin-
to**, in sententia excommunicationis cau-
sa exprimi debet **c. 1. de sentent. excom.**
in 6. **Sexto** denique in causa appella-
tionis causa exprimi debet, quare prima
sententia revocetur **c. cum Bertholdus,**
18. b. t.

Sed licet verum sit, in dictis casibus
exprimendam esse causam sententiae, du-
bitari tamen potest, an hoc pertineat ad
ejus valorem? In hac quæstione censem
Abbas in cit. *c. sicut, à n. 11. expressio-*
*nem cause interdum exigere solū in or-
dine ad certos juris effectus, quos senten-
tia ex tali causa lata secum trahit. Nam
quandoquè requiritur expressio cause so-*
lum

M m m 3